

आकाशवाणी

खबरां पवन वर्मा कोला

1. विदेश सचिव विक्रम मिसरी होरें आखेआ ऐ जे पाकिस्तान कन्नै कल बनी दी सहमति दा उप्परोतली उल्लंघन होआ ऐ।
2. गृह सचिव होरें बन्नै कन्नै लगदे राज्यें दे मुख सचिवें कन्नै वीडियो कांफ्रेंसिंग राहें बैठक कीती।
3. भारतीय मौसम विभाग नै घोषणा कीती ऐ जे दक्खनी पच्छमी मानसून 27 मई गी केरल तट पर औने दी मेद ऐ।
4. बंगलादेश सरकार नै साबका प्रधानमंत्री शेख हसीना हुंदी अवामी लीग पार्टी ते ओहदे नेताएं दी सब्बनै गतिविधिएं उप्पर रोक लाई दिती ऐ।
5. आई.पी.एल गवर्निंग काउंसल अज्ज निलंबित टी-20 लीग गी पूरा करने लेई संभव कार्यक्रम बारै चर्चा करोग।

<><><><><><>

Ceasefire-Violations

विदेश सचिव विक्रम मिसरी होरें आखेआ ऐ जे पाकिस्तान कन्नै कल बनी दी सहमति दा उप्परोतली उल्लंघन होआ ऐ। नमीं दिल्ली च संवाददाताएं कन्नै गल्लबात करदे होई श्री मिसरी होरें आखेआ जे थेआरबंद बल संघर्ष विराम उल्लंघन दा बनकदा ते नपातुला परता देआ 'रदे न ते भारत इन्नै उल्लंघनै गी बड़ी गै गंभीरता कन्नै लै करदा ऐ। भारत नै पाकिस्तान गी संघर्ष विराम उल्लंघन गी खत्म करने आस्तै वाजिब गेंs पुट्टने ते स्थिति गी गंभीरता ते जिम्मेदारी कन्नै निब्बड़ने दा आह्वान कीता ऐ। श्री मिसरी होरें आखेआ ऐ जे

थेआरबंद बल स्थिति उप्पर कड़ी नजर रक्ख रदे न। उनें आखेआ जे थेआरबंद बले गी अंतरराष्ट्री बन्ने ते कब्जा रेखा पर संघर्ष विराम उल्लंघन दी कुसै बी घटना कन्ने सख्ती कन्ने निब्बड़ने दे हुक्म रसाल कीते गेन। विदेश सचिव होरे आखेआ जे पिछले किश दिनें शा चला रदी ाजी कार्रवाई गी रोकने आस्तै कल शामीलै भारत ते पाकिस्तान दे Director General Military Operations (DGMP) दे बश्कार सहमति बनी ही। उनें आखेआ जे पाकिस्तान गी स्थिति गी ठीक चाल्ली समझना लोड़चदा ऐ ते इस घुसपैठ गी रोकने आस्तै तुरत बनकदी कार्रवाई करनी चाइदी।

<><><><><><>

Home Secy. Meeting

गृह सचिव गोविंद मोहन होरे पाकिस्तान दे बन्ने कन्ने लगदे राज्ये दे मुख सचिवे कन्ने कल वीडियो कांफ्रेंस राहे बैठक कीती। सूत्रे मूजब उनें राज्ये गी चोकन्ना रौहने ते बन्ने पारा कुसै चाल्ली दी गोलीबारी कन्ने निब्बड़ने ते अपने खेतरें च नागरिक रक्षा तंत्र गी सक्रिय करने आस्तै आखेआ गेआ। भारत ते पाकिस्तान दे बश्कार संघर्ष विराम दी घोषणा दे बाद एह बैठक होई।

<><><><><><>

Weather

भारतीय मौसम विभाग ने घोषणा कीती ऐ जे दक्खनी पच्छमी मानसून 27 मइ दी केरल तट पर औने दी मेद ऐ जेड़ी अपनी तरीक 1 जून थमां 5 दिन पैहले ऐ। एहदे तौले औने कन्ने खरीा दी बुआई दे मौसम उप्पर असर पौने दी मेद ऐ।

<><><><><><>

UN Sec

संयुक्त राष्ट्र दे महासचिव एंटोनियो गुतेरेस होरे भारत ते पाकिस्तान बश्कार युद्ध विराम समझौते दा सुआगत करदे होई इसी मौजूदा हालात गी खत्म करने ते तनोतनी गी घट्ट

करने लेई इक सकारात्मक गैऽ आखेआ ऐ। महासचिव दे प्रवक्ता स्टीफन दुजारिक होरें आखेआ ऐ जे एंटोनियो गुतरेस होरें गी मेद ऐ जे इस समझौते कन्नै स्थाई शांति च जोगदान होग ते दौनै मुख्यें बश्कार इस मुद्दे गी हल करने लेई इक खरा माहौल पैदा होग।

<><><><><><>

EAM

विदेशी मंत्री डॉ. एस. जयशंकर होरें आखेआ ऐ जे भारत ते पाकिस्तान नै गोलीबारी ते ाजी कार्रवाई रोकने बारे इक सहमति बनाई ऐ। सोशल मीडिया पोस्ट च डॉ. जयशंकर होरें आखेआ ऐ जे भारत नै आतंकवाद दे खलाफ अपने पक्ष ते रुख गी बनाई रक्खे दा ऐ। उन्नै आखेआ ऐ जे एह इयां गै जारी रौहग।

<><><><><><>

UK

युनाइटेड किंगडम नै बी भारत ते पाकिस्तान बश्कार युद्ध विराम समझौते दा सुआगत कीता ऐ ते उन्नैगी आखेआ ऐ जे ओह होर अगगे बधने आहली बक्खी अपनी गैऽ बरकरार रक्खन। प्रधानमंत्री केयर स्टारमर होरें आखेआ ऐ जे ब्रिटेन किश दिनें थमां दौनै मुख्यें गी युद्ध विराम आहली बक्खी राजी करने लेई लग्गे दा हा।

<><><><><><>

PM-Meeting

प्रधानमंत्री नरेंद्र मोदी होरें भारत ते पाकिस्तान दे बश्कार संघर्ष विराम दी घोषणा दे तुरत परेंत नमीं दिल्ली च अपने आवास च उच्च सतह दी बैठक दी अध्यक्षता कीती। इस बैठक च विदेश मंत्री डॉ. एस जयशंकर, रक्षा मंत्री राजनाथ सिंह, राष्ट्रीय सुरक्षा सलाहकार अजीत डोबाल, प्रमुख रक्षा अध्यक्ष ते त्रौनै सेनाएं दे प्रमुख शामिल होए।

<><><><><><>

Bangladesh Interim Govt.

बंगलादेश च नोबल पुरस्कार विजेता मुहम्मद युनुस हुंदी अगुवाई आहली अंतरिम सरकार नै आतंकवाद विरोधी कनून तैहत साबका प्रधानमंत्री शेख हसीना हुंदी अवामी लीग पार्टी ते ओहदे नेताएं दा मुकदमा जिस्सलै तगर पूरा नेई होई जंदा, उसलै तगर पार्टी दी सब्बनें गतिविधियें पर रोक लाई दिती गई ऐ। सलाहकारें दी काउंसल नै कल रातीं ढाका च होई दी अपनी खास बैठक च एह ा सला लैता। काउंसल नै अंतरराष्ट्रीय अपराध कनून च संशोधन गी बी मंजूरी देई दिती ऐ, जिस च कुसै बी राजनीतिक पार्टी उंदे कन्नै जुड़े दे समर्थकें जां निकाएं गी सजा देने दा प्रावधान बी शामिल कीता गेआ ऐ।

<><><><><><>

BCCI

IPL दे उपाध्यक्ष राजीव शुक्ला होरें आखेआ ऐ जे भारत ते पाकिस्तान बश्कार युद्ध विराम दी घोषणा मगरा बोर्ड दे अधिकारियें ते आई.पी.एल गवर्निंग काउंसल अज्ज निलंबित टी-20 लीग गी पूरा करने लेई संभव कार्यक्रम बारे चर्चा करोग। बोर्ड गी शुक्रवारें आई.पी.एल गी निलंबित करने गी मजबूर होना पेआ हा जिसलै के आइ.पी.एल दे अजें 16 मैच बाकी हे।

<><><><><><>

BLA

बलोच लिबरेशन आर्मी नै पाकिस्तान दे बलोचिस्तान दियें 39 बक्ख-बक्ख थाहरें उप्पर हमलें दी जिम्मेदारी लैती ऐ। इक प्रेस रिलीज च समूह नै ऐलान कीता ऐ जे एह आपरेशन अजें बी जारी न जिंदे च मते सारे रणनीतिक मकसदें गी पूरा कीता जा'रदा ऐ। बी.एल.ए दे प्रवक्ता जीयंद बलूच हुंदे मूजब इनें हमलें च पुलस स्टेशन, ाँजी काँ लें ते हाइवे दे कन्नै-कन्नै बुनियादी ढांचे सने ककई थाहरें गी निशाना बनाया गेआ।

<><><><><><>

Act of Terror

भारत नै ाँ सला कीता ऐ जे भविक्ख च कुसै बी आतंकी कार्रवाई गी देश दे खिलाँ युद्ध दी कार्रवाई मन्नेआ जाग ते ओहदे मताबक गै परता दिता जाग। उच्ची सतह दे सरकारी सूत्रें

इस ा सले दी तसदीक कीती ऐ। हाल च गै पाकिस्तान आसेआ तनाव बदाने दी कार्रवाई दे मददेनजर एह गैs पुट्टी गेदी ऐ जेड़ी दवें देशें दे बशकार होए दे समझौते दे बाद घट्ट होई ऐ।

<><><><><><>

National technology Day

अज्ज राश्ट्री प्रौद्योगिकी दिन यानि नेशनल टेकनालजी डे मनाया जाग। 1998 च इस दिन भारत नै राजस्थान दे पोखरन च अपने परमाणु बम दा स लतापूर्वक परीक्षण कीता हा। एह दिन देसै दी तरक्की ते विकास च तकनीकी तरक्की दी अहम भूमिका दा चेता करोआंदा ऐ। एह दिन भारत दी तकनीकी विशेषज्ञता च वैज्ञानिकें, इंजीनियरें ते नवाचार करने आहलें दे योगदान ते मुख्यै च तैयार कीते दा पैहला विमान “हंसा-3” दे लांच गी बी चेता नोआंदा ऐ।

<><><><><><>

Delhi-Airport Advisory

दिल्ली ब्हाई अड्डे दा डोआरियें दी आओजाई सुचारू रूप कन्नै जारी ऐ। दिल्ली अंतरराश्ट्री एयरपोर्ट लिमिटेड डायल नै इक परामर्श च आखेआ ऐ जे मौजूदा हालात दे पछोकड़ै च नगर विमानन सुरक्षा ब्यूरो दे अनिवार्य सुरक्षा प्रोटोकाल दे मददेनजर डोआरियें दे समें च बदलाव होई सकदा ऐ ते यात्रियें गी सुरक्षा जांच दे दौरान बी बलगना पेई सकदा ऐ। यात्रियें गी सरबंधत एयरलाइन दे संचार माध्यम कन्नै संपर्क च रौहने ते तयशुदा दिशा-निर्देशों दी पालमा करने आस्तै आखेआ गेआ ऐ।

<><><><><><>

Punjab Water Rajasthan

पंजाब नै ाजी जरूरतें आस्तै राजस्थान गी अतिरिक्त पानी छोड़ने दा ा सला कीता ऐ। मुख्यमंत्री भगवंत मान होरें इक बयान च आखेआ ऐ जे राजस्थान दी मंग पर देश दी एकता ते अखंडता दी रक्षा आस्तै बन्नै पर तैनात सेना लेई अतिरिक्त पानी छोड़ी दिता गेआ ऐ।

Pak-Loss

पाकिस्तान गी भारत खला। अपनी उकसावे आली कारवाई दे चलदे खरा मता नुकसान भुगतना पेआ ऐ। जेकर भारत नै आपरेशन सिंदूर दे चलदे इस्लामाबाद च हमले बचाह छमताएं गी नेस्तेनाबूत करी दिता। नमीं दिल्ली च मीडिया गी जानकारी दिंदे होई कर्नल सो। या कुरेशी होरें आखेआ जे भारती सैन्य बलें पाकिस्तान च आतंकवादिएं दे ठकाने गी नश करी दिता ऐ। उनें आखेआ जे भारत दे आपरेशन दा लक्ष्य सि। आतंकवादिएं दे ट्रेनिंग कैपें दे जिलेंगी भारत विरोधी गतिविधिएं आस्तै इस्तेमाल कीता जंदा ऐ। कर्नल कुरेशी होरें जोड़ेआ जे भारती सैन्य बलें कुसा बी धार्मिक थाह गी नशाना नेई बनाया। पाकिस्तान नै दावा कीता ऐ जे उनें भारत दे एस-400 ते ब्रमोस मिसाइल गी जेए -आईटी कन्ने नश्ट करी दिता ऐ, जेहड़ा गै सिरे दा झूठ ऐं उनें जोड़ेआ जे भारतीय एयर फ़िल्ड जेड़े सिरसा, जम्मू, पठानकोट, भठिंडा ते भुज च न, उनें नुकसान पुज्जने दी जानकारी गी गलत ऐ। कर्नल होरें आखेआ जे भारत इक धर्मनिरपेक्ष देश ऐ ते एहदा सेना भारती संवैधानिक मुल्लें दा सनाकड़ा प्रतिविब ऐ। इस दरान विंग कमांडर व्योमिका सिंह होरें आखेआ जे पाकिस्तान नै भारती सेना बलें पर मसीतें गी नशाना बनाने दे झूठे इल्जाम लाए न।